



UNIVERSITÄTS-  
BIBLIOTHEK  
PADERBORN

## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente  
XI. editas

**Luxemburgi, 1739**

X. De confirmandis in eodem Monasterio, vel Officio Abbatibus Congregat.  
Sancti Bernardi Italiæ.

---

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

tum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & Ordinationibus Apostolicis, nec non omnibus, & singulis illis, quæ dictus Innocentius prædecessor in suis literis voluit non obstat, cæterisque contrariis quibuscumque.

Datum Romæ apud S. Petrum sub Annulo Piscatoris die XIX. Februarii MDCCI. Pontif. nostri anno Primo.

IX.

Confirmantur Decreta Capitulum Generalium Congreg. S. Bernardi Castellæ Ord. Cisterciens. de suffragio Lectorum, & Prædicatorum.

Ab Urb. VIII. Const. ed. 1628. Apr. 4. donati fuerunt suffragio nonnulli Prædicatorum. Et ejus Pontificis Const. præced. concessum fuit suffragium quibusdam Magistris. Const. vero ed. 1704. Feb. 20. P. 4. extat restitutio numeri vocalium pro Congreg. Hispaniarum. Et Const. sequenti agitur de suffragio quorundam Lectorum, & Prædicatorum.

CLEMENS PAPA XI.

Ad perpetuam rei memoriam.

EXponi Nobis nuper fecerunt dilecti filii Prudentius de Resa Abbas Generalis, & Monachi Congregationis Sancti Bernardi Castellæ Ordinis Cisterciens., quod cum juxta quasdam fel. rec. Urbani PP. VIII. Prædecessoris nostri literas die 4. Aprilis 1628. seu alio veriori tempore expeditas, omnes dictæ Congregationis Monachi, qui Verbum Dei in Civitatibus Tolosana, Salmantic. ac Oppidis Madriti, & Compluti, per duodecim annorum spatium prædicavissent, ad vocem activam, & passivam admitterentur, vocalium vero hujusmodi numerus supra modum excrevisset, & inde multa inconvenientia oriri compertum esset, ut dictis inconvenientibus remedium adhiberetur in quinque Capitulis Generalibus Congregationis prædictæ ab Anno 1676. usque ad Annum 1698. celebratis pro bono ipsius Congregationis regimine decretum fuit, ut deinceps ex dictis Monachis, qui ut præfertur prædicaverint, sex dumtaxat ad dictam vocem activam, & passivam recipiantur, ac aliquo, seu aliquibus eorum deficientibus alii, qui similiter prædicaverint, & a Capitulo approbari, ac cæteris, tempore a die suscepti habitus Regularis computato, antiquiores sint, in eorum locum subrogentur. Porro in uno ex prædictis, seu alio Capitulo generali ejusdem Congregationis decretum pariter, & stabilitum fuit, ut in futurum ex Lectoribus, & Verbi Dei Prædicatoribus Jubilatis, illi dumtaxat, qui per integrum tempus a Constitutionibus dictæ Congregationis præfixum legerint, & prædicaverint, ad eandem vocem activam, & passivam admittantur, nec ipsis simplex expeditio Patentium literarum eorum deputationis in Lectores, & Prædicatorum Jubilatos hujusmodi ad hoc suffragetur.

Decretis Capitularibus redactus fuit eorum numerus ad senarium.

Item immixtus Lectorum, & Prædicatorum Jubilatorum numerus pro eodem suffragio.

Preces Congregationis.

§. 1. Cum autem, sicut eadem expositio subjungebat, ipsi Exponentes ea, quæ in memoratis Capitulis Generalibus, sicut præmittitur, decreta fuerunt, quo firmiter subsistant, & serventur exactius, Apostolicæ Confirmationis nostræ patrocinio communiri, & quia nonnulli, qui tempus Lecturæ, & prædicationis a Constitutionibus, ut præfertur, præfixum, non expleverant, sed solum per patentes literas in Lectores, & Prædicatorum Jubilatos deputati fuerant ad dictam vocem contra Urbani Prædecessoris literarum, & Constitutionum prædictarum dispositionem admissi fuerunt, omnes, & quos-

cumque defectus ex illorum admissione hujusmodi secutos, auctoritate nostra sanari plurimum desideret: Nos eorundem Exponentium votis hac in re quantum cum Domino possumus, favorabiliter annuere volentes, & eorum singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatæ existunt, ad effectum præsentium dumtaxat consequendum harum serie absolventes, & absolutas fore censentes, supplicationibus eorum nomine Nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium præpositorum consilio, prænaratum Decretum de reductione Prædicatorum in futurum, auctoritate Apostolica, tenore præsentium confirmamus, & approbamus; illique inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet interverint, supplemus. Quo ad graduationem vero Lectorum, & Prædicatorum Jubilatorum non nisi illos, qui ad formam Constitutionum actu legerint, & prædicaverint ad suffragandum admittebuntur esse, eadem auctoritate, harum serie decernimus, & declaramus, ac omnes quorumcumque actuum cæteroque legitime factorum, & gestorum defectus ex memorata similibus Lectorum, & Prædicatorum, qui actu non legerant, aut prædicaverant ad suffragium admissione secutos, auctoritate & tenore prædictis sanamus, salva tamen semper in præmissis auctoritate Congregationis eorundem Cardinalium.

§. 2. Decernentes pariter easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quodcumque spectabit, in omnibus & per omnia, plenissime suffragari, & ab eis respective inviolabiliter observari: sicque in præmissis per quoscumque Judices Ordinarios, & Delegatos, etiam Caesarum Palatii Apostolici Auditores judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus prædictis Urbani Prædecessoris literis, aliisque Constitutionibus, & Ordinationibus Apostolicis, nec non Congregationis S. Bernardi, & ordinis hujusmodi, etiam Juramento, Confirmatione Apostolica, vel quavis firmitate alia roboratis, Statutis, & Consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores, præsentibus, pro plene, & sufficienter expressis, ac ad verbum insertis habentes, illis alias in suo robore permanentibus, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris die XIX. Februarii MDCCI. Pontificatus nostri anno Primo.

Confirmatur Decretum Congreg. Epif., & Reg. de Abbatibus Congreg. Sancti Bernardi Italiæ Ord. Cisterciens. non confirmandis in eodem Monasterio, vel officio post quinquennium.

Id institutum fuit ab Alex. VIII. Const. ed. 1656. Maii 8. De non eligendis in Abbate extat Alex. VIII. Const. ed. 1689., Dec. 23. P. 1. Hujus vero Pontif. Const. ed. 1710. Oct. 3. P. 10.

Confirmatio prædictorum Decretorum.

Clausula.

X.

agitur

agitur de aequalitate servanda in Generalatu, Abbatibus, aliisque officiis.

CLEMENS PAPA XI.

Ad futuram rei memoriam.

§. 1. **N**uper pro parte dilecti filii moderni Procuratoris Generalis Provinciae Lombardiae Congregationis Sancti Bernardi Italiae Monachorum Ordinis Cisterciensis Congregationis Venerabilium Fratrum nostrorum S. R. E. Cardinalium negotiis, & Consultationibus Episcoporum, & Regularium praeposita exposito, quod per Constitutiones dictae Congregationis Sancti Bernardi a felic. record. Urbano VIII. Praedecessore nostro Anno 1641. specificè confirmatas, super quarum observatione postmodum dicta Congregatio Cardinalium per suum Decretum die 22. Novembris 1646. emanatum nequaquam sub nullitatis, aliisque gravioribus ad ipsius Congregationis Cardinalium arbitrium imponendis penis dispensandum esse, reservata sibi ad id omnimoda facultate, declaraverat, illarum Capit. 23. stabilitum reperiebatur, ut Abbates dictae Congregationis Sancti Bernardi, qui aliquod Monasterium pro triennio, ab uno scilicet usque ad aliud Capitulum generale, gubernassent, in ejusdem Monasterii gubernio ad aliud triennium confirmari, sique in gubernio hujusmodi per sexennium continuum remanere valerent, dicto autem sexennio finito, a gubernio praedicto per triennium vacare deberent. In quibusdam vero rec. mem. Alexandri VIII. Praedecessoris nostri Literis in simili forma Brevis die 8. Maji 1656. expeditis, per quas Idem Alexander Praedecessor celebrationem Capituli praedictae Congregationis Sancti Bernardi in posterum de quinquennio in quinquennium faciendam esse statuere, praescriptum erat memoratos Abbates, dicto quinquennio elapso, non posse confirmari in eodem Officio. Et in eadem expositione subjuncto, quod nonnulli ex eis, ut in Officio hujusmodi confirmari valerent, illi, aliquo tempore antequam dictum quinquennium completeretur, renunciabant, ac deinde illud ipsum in futuro Capitulo reassumebant; quo vero tali abusu remedium adhiberetur, alii Abbates ejusdem Congregationis Sancti Bernardi ad dictam Cardinalium Congregationem recursum haberant, ipsaque Congregatio Cardinalium per suum Decretum die 24. Martii 1689. emanatum dictum abusum prohibuerat, ac Constitutionum, & Alexandri Praedecessoris Literarum praefatarum observantiam expresse demandaverat; itaut nec renunciacionis, nec alio titulo, aut praetextu cuiquam dictorum Abbatum ad idem Officium redire liceret. Verum postea enatum fuerat dubium utrum dictum Decretum etiam Abbates Regiminis dictae Congregationis Sancti Bernardi comprehenderet, itaut etiam ipsi renunciacione pauco tempore ante completum quinquennium facta, ad Officium Abbatis regiminis hujusmodi, si scilicet non eidem quam antea Monasterio praesent, ad aliud immediate sequens quinquennium denuo assumi, adeoque ad gubernium Monasterii dictum Officium Abbatis regiminis per praefatas Constitutiones annexum habentis eligi valerent, an vero per triennium a dicto Officio Abbatis Regiminis, & proinde etiam a Gubernio similis Monasterii vacare deberent, ac dictum triennium vacationis compleri oporteret hujusque dubii ratio ex Capitulo XVIII. memoratarum Constitutionum desumebatur, ubi praescribebatur dictos Abbates regiminis in eorum Officio tanto tempore, quantum alii Abbates praefati in gubernio alicujus Monasterii durare, & ab eo pari etiam tempore vacare debere, eo dumtaxat casu excepto; quo

aliquis ex ipsis in Praesidentem eligeretur; ac proinde dictus Procurator Generalis dubium hujusmodi a dicta Congregatione Cardinalium declarari, ac quoscumque defectus in electionibus superiorum, & aliis actibus a dictis Abbatibus Regiminis fieri solitos ob ipsorum, seu alicujus eorum electionem ad gubernium Abbatis regiminis annexum, ut praefertur, habentis, licet ab Officio hujusmodi per triennium non vacavissent, factam secutos servari summopere desiderabat: Emanavit ab eadem Congregatione Cardinalium Decretum tenoris, qui sequitur, videlicet--Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium praeposita, referente Eminentissimo Gabriellio censuit, ac declaravit servandum esse nunciatum Breve Alexandri VIII., & Decretum ejusdem Sacrae Congregationis 24. Martii 1689., etiam quoad quoscumque de regimine, & vacationem intelligendam esse de integro triennio. Romae 6. Augusti 1700. - G. Cardinalis Carpinus - J. M. Panciaticus Secretarius.

§. 2. Cum autem, sicut praedictus Procurator Generalis Nobis subinde exponi fecit, ipse Decretum hujusmodi, quo firmius subsistat, & servetur exactius, Apostolica confirmationis nostrae patrocinio communiti, ac praenarratos defectus, pro quorum sanatione dicta Cardinalium Congregatio Nobis supplicandum esse declaravit, auctoritate nostra sanari plurimum desideret: Nos ipsius Procuratoris Generalis votis hac in re, quantum cum Domino possumus, favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, supplicationibus ejus nomine nobis super hoc humiliter porrectis inclinati, Decretum praesertim auctoritate Apostolica tenore praesentium confirmamus, & approbamus, illique inviolabilis Apostolicae firmitatis robur adjicimus, ac omnes, & singulos quorumcumque actuum ceteroqui legitime factorum, & gestorum defectus, qui in illis propter memoratam Abbatum regiminis ad gubernium Monasterii Officium Abbatis regiminis annexum habentis, quamvis ab Officio hujusmodi per triennium non vacavissent, electionem hactenus quomodolibet intervenerunt, eadem auctoritate harum serie supplemus, & sanamus; salva tamen semper in praemissis auctoritate praefatae Congregationis Cardinalium.

§. 3. Decernentes easdem praesentes Literas, semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quocumque spectabit, in omnibus, & per omnia plenissime suffragari, & ab eis respective inviolabiliter observari: sicque in praemissis per quoscumque Judices Ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac Constitutionibus, & Ordinationibus Apostolicis, nec non quatenus opus sit Congregationis Sancti Bernardi, & Ordinis hujusmodi, etiam Juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis, illorum tenores praesentibus pro plene,

Resolutio, & Decretum affirmativum Congregationis.

Preces Proc. Gen.

Confirmatio relati Decret.

Clausula.

& suffi-

Ex Constitutionibus Congreg. Abbatibus confirmari non poterant in eodem Monasterio, vel manere post sexennium.

Ab Alexand. VIII. id redactum fuit ad quinquennium.

A S. Congr. declaratum fuit idem servandum, etiam si extiterit abdicatio Officii in fine quinquennii.

Dubium subortum an idem intelligendum de Abbate Regiminis.

& sufficienter expressis, ac de verbo ad verbum insertis habentes, illis alias in suo robore permansuris, ad præmissorum effectum hac vice dumtaxat specialiter, & expresse derogamus, caterisque contrariis quibuscumque.

Datum Romæ apud Sanctum Petrum sub Anulo Piscatoris die XXII. Martii MDCCI. Pontificatus nostri anno Primo.

XI.

Confirmatur Decretum Card. Protectoris de Procuratoribus, & Diffinitoribus Generalibus duarum Provinciarum in Insulis Philippinis Congregationis Hispaniæ Eremitarum Discalceat. Ord. S. Augustini.

De Privilegiis Procuratorum Generalium in Rom. Curia vide Inn. XI. ed. 1677. Dec. 11. P. 2. Et de Privilegiis Commissariorum vide sequentem.

CLEMENS PAPA XI.

Ad futuram rei memoriam.

Nuper pro parte dilecti filii Joannis Antonii a S. Augustino Procuratoris Generalis Provinciæ S. Nicolai de Tolentino in Insulis Philippinis Congregationis Hispaniæ fratrum Eremitarum Ordinis S. Augustini Discalceatorum nuncupatorum Congregationi Venerabilium fratrum nostrorum S. R. E. Cardinalium negotiis, & consultationibus Episcoporum, & Regularium præpositæ, exposito, quod cum Procuratores Generales d. S. Nicolai, ac Candelariæ alterius Provinciæ in prædictis Insulis Philippinis, seu Terra firma ejusdem Congregationis Hispaniæ coram Tribunalibus, nomine suarum Provinciarum comparere, omniaque illarum bona administrare soliti ex Religiosis literarum scientia præditis, & magis benemeritis eligi consueverint, vocemque, & votum, sive suffragium in Capitulis Provincialibus dictarum Provinciarum antehac semper habuissent, sed paucis abhinc annis voto hujusmodi carerent, hinc vero multa inconvenientia sequerentur, Capitulum, & Diffinitorium Generale dictæ Congregationis decreverat, ut deinceps Procuratores prædicti dictum votum, sive suffragium semper haberent, & alias prout in patentibus literis desuper emanatis uberius dicebatur contineri. Porro in omnibus Capitulis Generalibus dictæ Congregationis Hispaniæ ab anno 1672. usque ad annum proxime præteritum celebratis a Generali Diffinitorio decretum pariter fuerat, ut cuilibet dictarum duarum Provinciarum unus Diffinitor generalis, sicut omnibus aliis Provinciis Hispaniæ ejusdem Congregationis concederetur, itaut si aliquis eorundem duarum Provinciarum filius aptus, & idoneus in Hispania reperiretur, is assumi, sin minus ex Fratribus prædictarum Provinciarum Hispaniæ duo Diffinitores Generales hujusmodi pro dictis duabus Provinciis eligi deberent, ac proinde ipse Joannes Antonius, attento, quod Decretum hujusmodi, ne hæc duæ Provinciæ suis Diffinitoribus in Capitulis Generalibus dictæ Congregationis Hispaniæ defraudatæ remanerent, sed ut sic Diffinitorium generale perfectum, & completum redderetur, convenientissimum esset, illud, ac aliud prænarratum Decretum ad favorem prædictorum Generalium emanatum auctoritate prædictæ Congregationis Cardinalium confirmari, ac concedi, ut dictæ duæ Provinciæ suos Diffinitores Generales hujusmodi cum voce, & præminentis, sicut omnes aliæ prædictæ Provinciæ Hispaniæ, ac dicti Procuratores Generales vocem pariter, & votum, sive suffragium in omnibus memoratis Capitulis Provincialibus haberent summopere desiderabat: eadem Con-

gregatio Cardinalium attenta relatione dilecti filii nostri Josephi Renati dictæ S. R. Eccl. Cardinalis Imperialis nuncupati prædicti Ordinis apud nos & Sedem Apostolicam Protectoris sibi super præmissis facta per solum Decretum die 18. Februarii proxime præteriti editum eidem Josepho Renato Cardinali, & Protectori benigne remisit, ut veris existentibus narratis, & quatenus expedire censuisset, prædictum Decretum Diffinitorii Generalis pro suo arbitrio, & prudentia approbaret, atque confirmaret; Unde ipse Josephus Renatus Cardinalis Protector in vim facultatis sibi sic attributæ suum quoque in præmissis Decretum edidit tenoris, qui sequitur, videlicet: Joseph Renatus S. Georgii in Velabro Sanctæ Romanæ Ecclesiæ Diaconus Cardinalis Imperialis & totius Ordinis S. Augustini Protector - Vigore commissionis, & facultatis a Sacra Congregatione Episcoporum, & Regularium emanatæ, & de veritate, ac rationabilitate expositorum factis instructi, confirmamus supradictum Decretum Capituli, & Diffinitorii Generalis Congregationis Discalceatorum S. Augustini Hispaniæ, & Indiarum, & concedimus, ut Procuratores Generales Provinciarum S. Nicolai de Tolentino in Philippinis, & Candelariæ in Terra firma habere semper possint, & habeant votum, & vocem in omnibus Capitulis Provincialibus suarum Provinciarum. Pariter confirmamus aliud Decretum, seu Decreta ejusdem Capituli generalis, & concedimus, ut pro quolibet dictarum Provinciarum S. Nicolai, & Candelariæ eligatur unus Diffinitor generalis, prout in aliis Provinciis Hispaniæ, qui inter cæteros Diffinitores generales annumeretur, iisdemque privilegiis, juribus, & facultatibus potitur. Volumus autem, ut præfati duo Diffinitores eligi debeant ex filiis dictarum Provinciarum S. Nicolai, & Candelariæ respective, quatenus tempore electionis reperiantur in Hispania aliqui ex iis apti, & idonei ad munus Diffinitoris suscipiendum, sin minus eligantur alij ex Provinciis Hispaniæ pro supradictis Provinciis Diffinitores. Quæ quidem Decreta sic, ut supra, auctoritate jam dicta a Nobis confirmata, & approbata, perpetuis temporibus observari volumus, & mandamus; Non obstantibus quibuscumque. Sic, &c. Datum Romæ ex ædibus nostris hac die 28. Februarii 1704. I. R. Card. Imperialis.

§. 1. Cum autem, sicut dictus Joannes Antonius Nobis subinde exponi fecit, ipse Decretum hujusmodi, quo firmus subsistat, Apostolicæ confirmationis Nostræ patrocinio communiri summopere desideret: Nos ipse Joannis Antonii votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum præinsertum a memorato Josepho Renato Cardinale, & Protector editum, ut præfertur auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, ac omnes, & singulos Juris, & facti defectus, si qui desuper quomodolibet intevererint, supplemus.

§. 2. Decernentes easdem præsentem Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & in futurum quancumque spectabit in omnibus, & per omnia plenissime suffragari, & ab

Dat. 15. Apr. 1701. An. 1.

Ex decretis Diffinitorii Gen. restitutum fuit suffragium dd. Procuratoribus Gen. Provinciarum S. Nicolai, & Candelariæ.

Item cuilibet dd. duarum Provinciarum concessus fuit unus diffinitor Gener.

Preces Proc. Gen. S. Congregationi, & Reg. oblatæ pro confirmatione prædd. Decretorum.

Decretum Card. Protectoris auctoritate sibi a d. Congr. delegatæ editum confirmans memorata Decreta Capitulum.

Preces Proc. Gen. Pontifici oblatæ pro confirmatione relati Decreti.

Confirmatio Decreti Card. Protectoris.

Clausula.